



**D. D. Emanuelis Gonzalez Tellez, In Inclyta Salmanticensi  
Academia Collegii Majoris Conchensis Alumni, &  
antiquioris vespertinæ Sacrorum Canonum Cathedræ  
proprietarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Qvintum

**González Téllez, Emanuel  
Francofurti Ad Moenum, 1690**

Capvt XXXIX. Idem in a eodem.

---

[urn:nbn:de:hbz:466:1-74544](#)

## C A P V T XXXIX.

Idem in eodem.

**Q**uoniam simoniaca labes plerasque moniales infecit, ut vix alias sine pretio recipient in forores, <sup>b</sup> paupertatis prætextu volentes hujusmodi vitium palliare; ne id de cætero fiat, penitus prohibemus, statuentes, ut quicunque de cætero talem commiserit pravitatem, tam recipiens, quam recepta, sive sit subdita, sive prælata, sine spe restitutionis de suo monasterio expellatur, in locum arctioris regulæ ad agendam perpetuam pœnitentiam retrudenda. De his autem, quæ ante hoc Synodale statutum taliter sunt receptæ, ita duximus providendum, ut remota de monasteriis, quæ perperam sunt ingressæ, in aliis locis eiusdem Ordinis collocentur. Quod si forte propter nimiam multitudinem alibi nequiverint commode collocari, ne damnabiliter in seculo vagentur, recipientur in eisdem monasteriis dispensativè de novo, mutatis prioribus locis, & inferioribus assignatis. Hoc etiam circa monachos, vel alios regulares decernimus observandum. Verum ne per simplicitatem, vel ignorantiam se valeant excusare, præcipimus, ut diocœsanii Episcopi singulis annis hoc faciant per suas dicæ publicari.

## N O T Æ.

1. <sup>a</sup> **E**odem.) Lateranensi videlicet generali, ubi cap. 65. reperitur textus hic, nec non in quarta collectione, sub hoc titul. cap. 4.
2. <sup>b</sup> **Paupertatis prætextu.)** Et ita paupertas erat affectata, non vera; nam si vera esset, pro susten-

tatione ipsius aliquid monasterium exigere valebat, ut probavi in cap. veniens, hoc titul. ubi commentarium dedi.

<sup>c</sup> **Perpetuam pœnitentiam.)** Quæ detrusio propria fuit clericorum, & monachorum, ut probat Gibalinus de clausur. regul. disput. 3. cap. 2. & de ea nonnulla adduxi in cap. 1. de regul.

## C A P V T XL.

Idem in eodem.

**A**vidivimus de quibusdam Episcopis, quod decadentibus Ecclesiæ Rectoriibus ipsas interdicto <sup>b</sup> subjiciunt, nec patiuntur alios in eisdem <sup>c</sup> institui, donec ipsis certa summa pecunia <sup>d</sup> persolvatur. Præterea cum <sup>e</sup> miles, aut clericus domum Religionis <sup>f</sup> ingreditur, aut apud Religiosos eligit sepulturam, etiamsi nihil religioso loco reliquerit, difficultates ingerunt, & malitias, donec aliquid muneris manus contingat eorum. Cum igitur non solum à malo, sed etiam ab omni specie malis sit secundum <sup>g</sup> Apostolum abstinentum, exactiones hujusmodi penitus inhibemus: quod si quis transgressor extiterit, exacta <sup>h</sup> duplicata restituat, in utilitates locorum, in quorum fuerint dispendium soluta, fideliter convertenda.

## N O T Æ.

1. <sup>a</sup> **E**odem.) Lateranensi videlicet generali sub Innocentio III. ubi cap. 66. reperitur textus hic, & in quarta collectione, sub hoc titul. cap. 5.
2. <sup>b</sup> **Subjiciunt.)** Quod facere non poterant, tum quia pro causa civili non debet Ecclesia interdicto subjici, cap. 3. de penit.: tum ne impeditur Sacramentorum administratio.
3. <sup>c</sup> **Institui.)** Aut per se, aut corporaliter per Archidiaconom, ut in cap. ex frequentibus, de institut. diximus.
4. <sup>d</sup> **Persolvantur.)** Contra tradita supra in cap. cum in Ecclesia.
5. <sup>e</sup> **Miles, aut clericus.)** De milite ideo in praesenti specialiter agitur, quia militibus olim prohibitum erat monasterium ingredi, nisi prius probata eorum vita fuisset ab Episcopo, cap. legem, § 3. dist. De clero etiam, quia Episcopo videbatur bona ab eo intuitu Ecclesia acquisita es-

se illi relinquenda prius quam vitam monasticam profiteretur, cap. I. 18. quæst. 1.

<sup>f</sup> **Ingreditur.)** Similiter abusum in Parochio improbat Honorius III. in cap. 2. de regul. in §. compil.

<sup>g</sup> **Apostolum.)** 1. ad Thessalon. cap. 5.

<sup>h</sup> **Duplicata.)** Sed tunc obstat textus in cap. de hoc, hoc titul. ubi tantum premium simoniæ acceptum restituitur absq; alio simile: ergo non recte in praesenti duplicatum premium restituatur. Pro cuius difficultatis solutione dicendum est cum Binsfeldio in praesenti, textum in dicto cap. de hoc jure, & similes procedere, quando ex mutua conventione dantis, & accipientis premium simoniæ intercessit; in praesenti vero textu agitur, quando non ex voluntate dantis premium, sed à superiori per extorsionem, & coniunctionem exactum fuit, quia tunc in penamfiliis extorsionis duplicatum premium restituit.

CAPUT